

《中國地方藝文薈萃》編委會 編

學苑出版社

中國地方藝文薈萃

蘇州卷·第六輯



華東卷·第六輯

柒

中國地方藝文薈萃

《中國地方藝文薈萃》編委會 編

貴州師範學院內部使用



黃巖集三十二卷（六）

貴州师范学院内部使用

黃巖集三十二卷（六）

（清）王棻等輯

據清光緒三年（一八七七）刻本影印

黃巖集卷之二十八目錄

詩內編

國朝二

柯 凱首十一 王如旦 一首 張 泰首十六 牟夢奎 一首

牟夢花 一首 朱 錦 一首 張景山 一首 鄭玉階 六首

牟尹舒 一首 施 彬 四首 牟 墀 一首 王者香 四首

黃永清 一首 金鷹揚 二首 牟殿傳 一首 韓修紘 三十首

牟汝弼 二首 牟汝霖 二首 鄭光斗 一首 蔡學洙 二首

牟憲斌 七首 周玉輝 二首 牟景皋 十二首 張 平 九首

於苞九 一首 張應虞 五首 王映青 二首 牟 濬 九首

於緝熙 一首 梁 苑 六首 王映玉 二首 張應彪 七首

夏霖一首 夏雷一首 夏鼎八首 夏雯三首

張藻十首 周省山五首 張基一首 牟式丹一首

鄔慕東十二首 王沛霖三首 陳錫庚一首 盧鏞三首

陳鏿十九首 李誠八首 應崑六首 張颿八首

牟士掄一首 盧渠四首 牟德秀二首 張師周一首

朱聯二首 王增二首 葉春三一首 張英元十七首

張茂華七首 管頌聲一首

右共五十八人詩三百二十九首

黃巖集卷之二十八目錄終

黃巖集卷之二十八

詩內編六

國朝二

柯凱 字南軒廩生

天台曉望詩依李白韻

天台高萬八巍峩冠東越山際露浮烟林間見秋月策杖  
登華峰眼底豁溟渤水立蛟龍鬪雲垂島嶼沒鯨潮挾怒  
奔來往時倏忽對此真奇觀塵慮頓消歇還當覓金砂丹  
成換凡骨斯須來赤龍乘之上帝闕

館夜書愁

問字人稀至孤燈伴客愁  
牕虛風報夜漏澀雨鳴秋煨酒

消殘夢裁詩憶舊遊此中誰共語過雁一聲幽

谿路

石潭初過雨谿路抱村長樹密晴猶溼林深午亦涼禽簷  
畱客住山杏傍人香杳杳農歌起居民鬧夕陽

憑高

樹色迎人老秋光住碧山誰家砧杵急是處客舟還飛鳥  
天邊沒孤雲嶺上閒欲題歸詠句石筍剝苔斑

白雲庵

寂歷諸天合神香柏子馨野禽朝入屋山獐夜窺櫺月向  
前谿白煙從別島青上方鐘磬徹喚夢有誰醒

秋日映秀閣書感

永日思歸騁遠愁瀟瀟山館不勝秋誰家砧杵風中急是  
處松濤雨外流夢蝶有情飛北塞談雞無語住南樓早知  
盡入年光感軍府空勞問楚囚

### 過寶林禪院

古刹深深松竹隈鐘聲隱約出關來  
猿從佛屋眠初穩鳥傍禪門飛白迴  
流水有情穿石出寒花無賴笑人開  
尋僧方欲低徊看爭奈蕭條暮景催

### 遊湖山寺

翠繞闌干碧繞堤梵宮深竝水雲西  
無邊山色樓中見一片湖光雨後齊  
飛鳥掠煙投渚疾遊魚聞唄躍波低  
勞生那得頻來此回首斜陽馬亂嘶

山中莫春卽事

落花滿地是東風寂寂春光處處同  
越水蒼茫寒食裏吳山隱約夕陽中  
十年寶劍橫芳草百里征帆掛斷虹  
幾許閒愁麾不去坐吟別賦似文通

爲張松居題畫

黃犢當林別寺分寒鴉斷處背斜曛  
牧童橫笛吹將晚踏破江村一徑雲

同張松軒登台州山城

高城縹緲與雲連極目平原水接天  
繞樹雅聲啼不住秋風吹入萬家煙

養拙居詩草

王如旦

字良翰嘉慶戊午舉人

題周石坪詩

少年學詞章欲得江山助中歲抱幽憂經時廢清課垂示  
新詩篇令我慚嬾惰君如佛已成早登獅子座揮手散瓊  
英啟唇落寶唾諷誦澄神思已勝親劑和我口如南箕空  
懸不可簸知君號謫仙鬼才嗤李賀

台詩三錄

張泰 字玉鉉號芍田

寄題汪眉州丈分綠樓

繞垣多種竹萬翠滴寒露几淨不染塵門陰無別樹新詩  
誦復吟閒雲自來去寂寂人語稀爐烟時一吐

台詩近錄

陪孫席珍元戎遊岱石山和韻

郭西多奇峯靈異多盤錯中有石丈人鬚眉謝彫削吾儕

麋鹿性於茲得所托其如困塵網終歲守蝸殼仲春天氣  
和小隊駐巖脚許我共追隨凌晨興先躍乍陟忘崎嶇稍  
前屢迴卻直欲捫星辰恨不控飛鶴鐘聲何處來迷悶忽  
如覺石櫃與天梯起伏形勢各最上境愈奇嵌空結蘭若  
其牖生煙雲其門羅嶂嶸樹杪瀑雷喧觀者俱錯愕紛紛  
怪石蹲森森鬼斧鑿迴顧所來徑蜿蜒如絙索一抹海山  
青萬里天宇廓才覺離塵囂欵似栖碧落拂蘚坐週遭更  
取峯霞酌醉耳酣笙簧餘歡寄林壑歸來記長篇摘詞愧  
精約

和蓀田弟秋日登紫陽山

鄉國每入夢秋來增引領勞生如繫絛未遂蓴鱸請新詩

千里傳坐使落幽境想君恣登臨天風襲衣冷如見三折  
江片蓆天露影如見十里湖一鏡月銜嶺茲山俯兩奇閉  
日猶可省何時權歸舟長夜燭同秉

台山懷舊集

七夕風雨甚烈作詩記之

壬午七夕風雨惡海濤東來肆威虐六合慘澹白晝昏九  
道陰陽相舛錯杜陵茅屋歆欲傾童僕走避猿鶴驚奔流  
會潮作巨浪檐溜盡作洪濤聲晚來風烈雨愈急拔木摧  
垣倒蛟室龜鼉得勢上地行百尺鯨魚向人立人言此日  
是佳期靈鵲填橋訴別離鈿盒金針遍萬戶明河不動雙  
星垂今年風雨忽異狀竊以人間度天上不知牛女會曾  
無空使騷人坐惆悵由來好事易折磨快意苦少愁思多

漫愁天上星期悞極目人間喚奈何喚奈何茫茫大地皆  
風波海壖試望傷人心祇恐盡變尸陀林

澄江晚眺

蘆花不飛晚風定江水平鋪如練淨秋高天闊夜氣清爍  
爍疎鐙照明鏡鏡裏芙蓉四面低九螺含翠峯峯齊杖藜  
獨立思無限蕭蕭落葉打人衣

台詩近錄

乙亥歲杪自霞城至丹崖候潮

夜靜霜鐘急孤帆逐大風放舟殘雪裏小住落潮中水闊  
林鐙暗天昏人語通睡餘鄉思遠夢下海門東

靈江道中

莽莽靈江路孤踪極望遙亂雲飛遠嶂高樹入晴霄岸曲

亦成字舟行但信潮無言對書劍慚爾共蕭條

石夫人

豈是巫山墮亭亭映碧波經年飽霜露終古老煙蘿月作粧臺鏡霞爲舞榭羅天風吹不去畱與伴嫦娥

秋日遊九峯

出門才幾里到此頓心閒採藥捫蘿徑尋僧叩石關浮雲馳遠思流水澹愁顏隨意支筇杖行行未覺艱  
路轉林逾密溪回山更幽白雲飛不盡黃葉落方遒  
花中卧雷聲澗底收長松振寒響天半瀉驚流

南陔寓霞城以詩見懷奉和

不見吾兄有一秋歸鴻社燕動離愁人傳流寓來坡老我